

Oleh Mohd Shahrizal Nasir

Dewasa ini, ibu bapa semakin cakna mengenai nama yang akan diberikan kepada anak. Ia satu petanda baik yang menunjukkan bahawa ibu bapa sangat mementingkan nama anak mereka.

Perkara yang perlu difahami oleh semua ialah pemberian nama kepada si anak adalah satu tanggungjawab. Apabila disebut tanggungjawab, ia tidak boleh dilakukan secara sambil lewa.

Seorang lelaki datang menemui Rasulullah SAW dan bertanya mengenai hak anaknya yang perlu ditunjukkan olehnya.

Rasulullah SAW bersabda: "Engkau memberikan nama yang baik dan mengambil berat pendidikannya. Kemudian engkau tempatkannya di tempat yang baik. Perbaikilah namamu kerana dengan nama itu kamu akan dipanggil pada hari kiamat nanti." (Riwayat Abu Dawud)

Baginda ada memberikan garis panduan dalam aspek ini antaranya dengan memberi nama kepada anak pada hari ketujuh.

Ia termasuk dalam sunah Rasulullah SAW. Malah, ada hikmah yang boleh kita fahami daripada pemilihan hari ketujuh, antaranya ialah untuk memberi tempoh yang cukup bagi memastikan bayi terbabit betul-betul sihat dan hidup seperti insan lain.

Rasulullah SAW bersabda: "Setiap anak kecil terganggu dengan akikahnya yang disembelih baginya pada usia tujuh hari dan dia pun dicukur serta diberikan nama." (Riwayat at-Tirmidzi, Abu Dawud, an-Nasa'i dan lain-lain)

Apabila bercakap mengenai pemberian nama kepada si anak, antara yang penting ialah memberikan nama yang membawa maksud baik. Perkara ini perlu di-

Nama baik, makna elok

■ Rasulullah beri garis panduan dalam menamakan bayi baru lahir



NAMA yang baik dapat menyuntik pembinaan potensi diri anak.

ambil perhatian dan diutamakan.

Sesetengah orang mendahulukan sisi 'enak didengar' daripada 'makna baik' yang sepatutnya diutamakan. Jadi, akan timbullah seribu satu sebutan dan gabungan perkataan yang kadangkala mencelaruhan.

Dalam kitab Tarbiyah al-Awlad, Abdullah Nasih Ujwan ada memberikan be-

berapa panduan dalam memberikan nama baik kepada anak, antaranya ialah tidak dibenarkan memberi nama yang secara langsung merujuk kepada Allah SWT seperti Khaliq

Namun, dianjurkan untuk memberi nama yang

FAKTA
Ibu bapa tidak dibenarkan memberi nama yang secara langsung merujuk kepada Allah SWT seperti Khaliq

merujuk kepada hamba Allah seperti Abdullah, Abdul Rahman dan Abdul Rahim.

Hal ini bersandarkan hadis berikut: "Sesungguhnya nama-nama kamu yang paling disukai oleh Allah ialah Abdullah dan Abdul Rahman." (Riwayat Muslim)

Ibu bapa perlu mengelakkan daripada memberi nama anak yang membawa makna negatif. Nama yang dipanggil itu juga dilihat sebagai satu doa dan dikhuatiri memberi kesan negatif kepada empunya diri.

Mereka yang mengutamakan nama dalam sebutan Arab, awasilah maknanya kerana ada juga yang membawa maksud tidak baik.

Nama yang diberikan janganlah terlalu panjang rana ia bukan saja membebankan si anak membawa nama itu, tetapi menyukarkan pihak yang berurusan dengan anak nanti.

Dari segi ejaan pula, elakan daripada meletakkan ejaan sangat rumit hanya kerana ingin kelihatan unik atau mirip kebaratan.

Nama yang panjang terlalu rumit disebut hanya menyebarkan timbulnya singkatan atau gelaran untuk si anak. Ini adalah trend terkini khusus dalam kalangan anak remaja.

Apa gunanya nama kita berikan itu memilikinya yang baik tetapi hirnyanya menjadi panggilan kepada si anak atau nama lain yang disingkatkan atau diberikan oleh mereka.

Nama singkatan seperti 'Mamat' contohnya, kali kita dengar sebagai nama timangan atau sinitan, sedangkan perkataan 'Mamat' dalam bahasa bermaksud mati.

Berilah nama yang bermakna dan mulia. Kemudian panggil dengan nama bermakna. Usaha mendai memberi kata dan gelaran mengaibkan.

Allah SWT berfirman: "Dan janganlah pula kamu memanggil antara dengan yang lain dengan laran yang buruk." (Surah al-Hujurat, ayat 11)

Penulis ialah pensyarah Universiti Sultan Zainal Abidin